

rikisborgara, er þeim var áskilið í 6. gr. sambandslaga Íslands og Danmerkur 30. nóv. 1918.

85

9. okt.

## 2. gr.

Meðan eigi er lokið samningum þeim, er nú standa yfir vegna niðurfellingar dansk-íslenzka sambandslagasamningsins 30. nóvember 1918, heimilast ríkisstjórn Íslands að gera þær ráðstafanir, sem þörf er á til að láta Færeyinga halda þeim rétti, er þeir hafa haft til fiskveiða með handfæri á þilskipum með eða án gangvéla og opnum bátum hér við land fyrst um sinn, þó eigi lengur en til ársloka 1947.

## 3. gr.

Lög þessi öðlast þegar gildi.

*Gjört í Reykjavík, 9. október 1946.*

**Sveinn Björnsson.**

(L. S.)

Finnur Jónsson.

## L Ö G

86

9. okt.

um rannsóknarstofnun háskólans í búfjármeinafræði.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

Að Keldum í Mosfellssveit skal stofna rannsóknarstöð, er vinni að rannsóknum á búfjárjúkdómum og öðrum skyldum verkefnum, eftir því sem nánar verður ákveðið í reglugerð. Stofnun þessi nefnist: Rannsóknarstofnun háskólans í búfjármeinafræði, og skal hún lúta læknadeild háskólans.

## 2. gr.

Menntamálaráðherra heimilast, að fengnum tillögum læknadeildarforstöðumanns og yfirdýralæknis, að ráða til stofnunarinnar dýralækna og sérfræðinga, eftir því sem fé er veitt til í fjárlögum hverju sinni.

## 3. gr.

Menntamálaráðherra ákveður, að fengnum tillögum læknadeildar háskólans, hversu margir dýralæknar og aðrir sérfræðingar vinni við stofnunina og skipar þá, að fengnum tillögum forstöðumanns og yfirdýralæknis.

## 4. gr.

Forstöðumaður tekur laun eftir 5. flokki launalaga, en aðrir sérfræðingar samkvæmt 6. flokki. Laun annarra starfsmanna ákveðast af forstöðumanni, að fengnu samþykki fjármálaráðuneytisins.

## 5. gr.

Menntamálaráðherra setur, að fengnum tillögum læknadeildar háskólans og tilraunaráðs búfjárræktar, reglugerð um starfsemi og starfssvið rannsóknarstofnunarinnar, shr. 1. gr.

86

9. okt.

Dau ákvæði laga nr. 64 frá 7. maí 1940, sem koma í bága við þessi lög, eru úr gildi fallin.

6. gr.

7. gr.

Lög þessi öðlast þegar gildi.

*Gjört í Reykjavík, 9. október 1946.*

**Sveinn Björnsson.**

(L. S.)

*Pétur Magnússon.*

87

11. okt.

## AUGLÝSING

um niðurfelling hverndarsamningsins við Bandaríki Ameríku frá 1941 o. fl.

Samkvæmt heimild í ályktun Alþingis, hinn 5. október 1946, og að fenginni heimild forseta Íslands á ríkisráðsfundi hinn 7. október s. á., hefur með erindum forsætis- og utanríkisráðherra Íslands og sendiherra Bandaríkja Ameríku í Reykjavík, dags. 7. október s. á., verið gerður samningur um niðurfelling hverndarsamningsins frá 1941 o. fl.

Fara erindin hér á eftir í íslenskum og enskum texta.

Háttvirtu sendiherra.

Ég leyfi mér að vísa til erindis yðar nr. 616, dags. 19. september 1946, þar sem stungið er upp á samkomulagi um niðurfelling hverndarsamningsins frá 1. júlí 1941, heimkvaðningu þess herliðs Bandaríkjanna, sem nú er á Íslandi, og framtíðarafnot Keflavíkurflugvallarins.

Í samræmi við frekari umræður, sem fram hafa farið milli fulltrúa ríkisstjórnar Íslands og fulltrúa ríkisstjórnar Bandaríkja Ameríku, leyfi ég mér að stinga upp á, að uppkasti því að samningi milli beggja ríkisstjórnanna, sem fram var sett í framangreindu erindi yðar, verði breytt og orðist þannig:

Excellency:

I have the honor to acknowledge the receipt of Your Excellency's note of today's date in the following terms:

„I have the honour to refer to Your Excellency's note nr. 616 dated September 19, 1946, proposing certain arrangements with regard to the termination of the defense agreement of July 1, 1941, the withdrawal of the United States Armed Forces now in Iceland, and the future use of the Keflavik airport.

„In accordance with further conversations that have taken place between representatives of the Government of Iceland and representatives of the Government of the United States I have the honour to suggest that the proposals for an agreement between the two Governments, set forth in Your Excellency's note above mentioned be amended to read as follows: